

甬上水利志

周澗遵攷述

卷五

西鄉河

有二源一源出大雷諸山下流四達其北行者直抵西壩爲西河塘由西津橋折而東五里至高橋一源出林村下寮山相傳爲僧智回卓錫處從地中出滾滾作浮漚名靈泉又別有湧泉二水合流經雙瑞橋至泥峙堰分爲二流一從堰下入林村大溪注十字港歷望春橋

與高橋來水會一至湖泊注石塘東合高橋水二十里直沖入西水門直進二里許歷惠政橋至石灰埠始南折形家以正金方衝入爲忌而不能有所更也其自望京橋側北入慶豐橋爲城下大濠至保豐碶自大卿橋西北入新河橋乃宋寶祐四年判府吳潛鑿新河建此橋引西塘河水北入環海會寺而東出新塘橋合西濠之流北至保豐碶而注之江灌田數千頃其自大卿橋西南入則爲鄞山書院橋管江岸大禹王廟前後壽安橋諸河自望春橋南入雙眼橋則爲龍舌新莊布金寺

前等河自望春橋南入西折入包家橋則為十字港等

河另見後 截止錄所歷橋梁凡十有七日望京橋大

卿橋工部尚書陳恭宅其地故名南達西成橋北抵官路

新莊湖望春橋又名慶寶北抵官路新橋北抵官路

田等處望春橋南達新莊湖田等處新橋南達湖田上

升橋北抵官路高橋宋寶祐四年重建高三丈三尺五寸長九丈八尺上下凡六十六級

洞瀾三丈八尺東西津橋東抵官路至西湖泊橋東達

西關西達石塘慶豐橋望京橋北側新河橋東

自西門至西壩慶豐橋舊名望雲新河橋達

西關西新塘橋南達西門大街賣魚橋西南達西門大

達高橋新塘橋北達忠祐廟賣魚橋街東北達柳莊

坊內木金版橋馬功橋東達保豐硯西達梁山伯廟簡

家漕金版橋馬功橋要志作馬公以上慶豐橋內

甬上水利志 卷五

并新河橋內鄧山書院橋北達大卿橋火燒橋南達祖

環台諸橋鄧山書院橋南達仲家橋火燒橋關北達

蓑衣港鄧山書院橋北達大卿橋火燒橋南達祖

宋袁商重建高橋記建炎三年金虜犯明州戰於高橋

而遁由是大龍駐蹕錢塘用再造我區夏橋雖更紹

興重建然年深木腐石泐壞輒修修輒壞民不惟病涉

亦病修寶祐四年履齋吳公以大制使判府事一政一

事靡不經意葦年之間官府肅而田里安翕翕然興誦

興矣公猶以為未也暇之日周覽廛野指是橋而歎曰

中興諸將戰功凡十有三寶自此橋一捷始今圯不可

支非所以識舊也乃捐金召工撤而新之結洞爲橋純以石雄峻堅密城內外諸橋可俯而視之矣既落成邦之人士屬商爲之記竊謂橋梁之設所以便民也造舟爲梁旣昉於周至鄭以乘輿濟而君子不以政予之則夫善牧民者殆不可以細故忽也秦以前未聞梁石近代以來名都要會間用之如吳之垂虹閩之方安不過枕烟水梁海波皆無與乎政之激勸斯舉也可以昭中興之聖烈可以旌江表之虎臣其感人心也有義用民力也有仁蓋將風厲乎天下匪直私惠乎鄞人信賢相

之作牧發於心見於事知所先務不與他人均鄞之人因是得以覘公之經綸矣橋去西門外十五里高三丈三尺五寸長九丈八尺上下凡六十六級洞闊三丈八尺

十字港

廣德湖址自望春橋西南悉是今湖田之渠不能備載而十字港乃一大關會也其東自東港口抵望春橋西自西港口抵林村南自南港口抵清店蔣山湖後其北則自北港口出至高橋之南卽九里十條橋一路蓋自

望春橋南折又西折歷包家橋一帶亦林村大雷之水

所由入城也其上橋梁凡二十一日雙眼橋俗呼雌包

家橋今改寶龍宮橋俗呼白龍顏家橋中鎮橋俗呼買

屠家橋樓太師廟橋袁打車橋十字港橋即東港口橋

以上十字楊官人橋望春聖仙橋俗名關山橋礮溪橋

武陵橋俗名萬安橋俗名流花橋張洗馬橋翠山寺橋

圓洞跨溪鳳舉市橋以上十字林村市盤橋宋熙寧初

上下百級鳳舉市橋港之西年監務范淮率鄉人易木以石洞橋在林

舊廣德湖

甬上水利志

卷五

縣西一十二里舊名嬰脰湖唐大歷八年縣令儲仙舟

加修治之更以今名貞元元年刺史任侗又治而大之

宋建隆間錢億為守之初復奏乞於諸縣農隙集鄉夫

萬人為十隊以官吏分董開鑿之役當時嘗給米九千

石錢五十萬公復出金千緡以相其費周迴凡萬有二

千八百七十一丈驕陽鑠石無旱曠之患淳化中禁民

敢田者至其後遂著之於一州敕大中祥符年藕耆為

守以湖壞漏不補復而浚之熙寧元年邑令張岫增築

環湖之隄凡九千一百三十四丈又總為磳九為埭二

十湖之興已數百年而民之請為田危於廢者屢矣乾道

圖經至政和間邑人樓昇服除到闕蔡京不喜昇而鄭居

中喜之始至除興仁守已奏可京乃改知遼州月餘又改隨州不滿意也異時高麗入貢絕洋泊四明易舟至京師將迎館勞之費不資崇寧加禮與遼使等置來遠局於四明侍人鄧忠仁領之忠仁實在京師事皆關決昇欲舍隨州而得明州會辭行上殿於是獻言明州廣德湖可為田以其歲入儲以待麗人往來之用且欲造畫舸及涉海巨航以須朝廷遣使皆忠仁之謀也既對

甬上水利志

卷五

五

帝悅即改知明州以典鄉郡經理湖為田八百頃募民佃租歲入米僅二萬石於是西七鄉之田無歲不旱異時膏腴今為下地廢湖之害也紹興間寶文閣待制李光泰嘗欲復湖卒不能復王庭秀作湖興廢記昇之婿王正已為廢湖辯以飾之今雖廢而前之有利於七鄉者其德甚廣不可沒也開志

宋曾鞏廣德湖記鄞縣張侯圖其縣之廢德湖而以書并古刻石之文遺余曰願有紀蓋湖之大五十里而在鄞之西十二里其源出於四明山而引其北為漕渠泄

其東北入江凡鄞之鄉十有四東七鄉之田錢湖溉之  
其西七鄉之田水注之者則此湖也舟之通越者皆繇  
此湖而湖之產有鳧雁魚鱉芡蒲葭葵蓴菱芡之饒  
其舊名曰罌脰湖而今名大歷八年令儲仙舟之所更  
也大中元年民或上書請廢湖爲田任事者左右之爲  
出御史李後素驗視後素不爲撓民以得罪而湖卒不  
廢刺史李敬方與後素皆賦詩刻石以見其事其說以  
爲當是時湖成三百年矣則湖之興其在梁齊之際與  
宋興淳化二年知州事邱崇元躬按視之而湖始復轉

運使言其事詔禁民敢田者至其後遂著之於一州勅  
咸平中賜官吏職田取湖之西山足之地百頃爲之旣  
而務益取湖以自廣天禧二年知州事李夷庚始正湖  
界起隄十有八里以限之湖之濱有地曰林村砂末曰  
高橋臘臺而其中有山曰白鶴曰望春自太平興國以  
來民冒取之夷庚又命禁絕而湖始復天聖景祐之間  
民復相率請湖爲田州從事張大有按行止之而知州  
事李照又言其事報如至道詔書照以刻之石自此請  
湖爲田者始息而康定某年縣主簿曾公望又益治湖

至張侯之爲鄞則湖久不治西七鄉之農以旱告張侯爲出營度民田湖旁者皆喜願致其力張侯計功賦材擇民之爲人信服有知計者使督役而自主之一不以屬吏人以不擾而咸勸趨於是築環湖之隄凡九千一百三十四丈其廣一丈八尺而其高八尺廣倍於舊三之二鄞人累土溼水闕其間而扃以木視水之小大而閉縱之謂之碶於是又爲之益舊總爲碶九爲埭二十隄之上植榆柳益舊總爲三萬一百又因其餘材爲三亭於隄上以休而與望春白鶴山相直因以其山名山

之上有廟一以祠神之主此湖者一以祠吏之有功於此湖者以熙寧元年十一月始役而以明年二月卒事共用民之力八萬二千七百九十有二工而其材出於工之餘旣成而田不病旱舟不病涸魚雁菱葦果蔬水產之良皆復其舊而其餘及於比縣旁州張侯於是可謂有勞矣故爲之書尙俾來者知毋廢前人之功以永爲此邦之利

舒直水利記是湖千頃有四利焉當春夏秋四明諸山積水浩蕩泛濫有如海潮居民廬舍往往淪沒不一二

日輒下以是湖納之一利也方其旱歲七鄉之田引以灌溉而漕河北取以濟公私往來之舟二利也菰蒲鳧魚四時不絕凡村落城市之民無田以耕無錢以商者莫不仰食於此三利也歉歲窮民以尊羹爲聖米蓋自別邑它州爭取而食者不可勝數四利也嗚呼其利溥矣有心於民者繕其隄防護其經界時其啓閉禁其畜牧可也而或者徒見其沙沫淺淀乃欲議以爲田獨不知沙沫爲田則湖遂廢矣古人戒始作備者意顧不在此與越之鏡湖白馬湖可見矣沙沫地纔四十頃參天

下顧少四十頃田哉今夫導一渠浚一井猶苦其勞費積日月而不之成柰何欲規四十頃難必之利而遂廢千頃易見無窮之利哉或謂是湖隄塘善頽每一浚築則取材調工於並湖之民亦勞費今誠能卽其膏沃少損爲田歲積穀以爲繕修之備亦因利之之利也是不然自慶歷丁亥距今元祐癸酉凡四十七年矣而湖隄之修前荆公中張侯岫最後殷君藻蓋未始數也夫利害未嘗不相隨顧大小如何耳今置大利而顧小害未可謂知務也隄所以善頽無它由啓閉不時而畜牧陵



踐故耳此縣令之事也嘗得父老謂段君治是湖頗力增卑培薄植榆柳於其上凡一百二十丈置之列亭刻石載其數目姓名使分守之而一切禁止誠持久能如此湖復何患哉

王庭秀水利記鄞縣東西凡十三鄉東鄉之田取足於東湖今俗所謂錢湖是也西南諸鄉之田所恃者廣德一湖環百里周以隄塘植榆柳以爲固四面爲斗門礮閘方春水泛漲溢則洩之江夏秋交民或以旱告則令佐躬親相視開斗門而注之湖高田下勢如建瓴閱日

可浹雖甚旱亢決不過一二而稻已成熟矣唐正元中民有請湖爲田者朝廷重其事爲出御史按利否御史李後素銜命詢咨本末利害之實錮獻利者置之法湖得不廢後素與刺史及其寮一二公唱和長篇紀其事而刻之石詩語記湖之始興於時已三百年當在魏晉也國初民或因淺淀盜耕有司正其經界禁其侵占太平興國中樂黠之民窺其利而欲私之復進狀請廢湖朝下其事於州州遣從事郎張大有驗視力言其不可廢且摘唐御史之詩叙次詳繳記於石刻熙寧二年知

縣事張岫令民浚湖築隄工役甚備曾子固爲作記歷道湖之爲民利本末曲折以戒後人不輕於改廢也元祐中議者復倡廢湖之說直龍圖閣舒亶庸詰折之紀其事於林村資壽院綠雲亭壁間謂其利有四不可廢今舒公集中載焉於是妄者無敢鼓動久之有俞襄復陳廢湖之議守葉棣深罪襄襄不得騁遂走都省獻其策蔡京見而惡之拘送本貫襄懼道逸政宣問宦官用事務興利以中主欲一時佻躁趨競者爭獻括天下遺利以資經費率皆以無爲有縣官刮民膏血以應租數

大概每一事必有一大闡領之時樓异丁憂服除到闕蔡京不喜樓而鄭居中喜之始至除知興仁府已而改遼州月餘改隨州不滿意也異時高麗入貢絕洋泊四明易舟至京師將迎館勞之費不貲崇寧加禮與遼使等置來遠局於明中令鄧忠仁領之忠仁實在京師事皆關決樓欲舍隨而得明會辭行上殿於是獻言明之廣德湖可爲田以其歲入儲以待麗人往來之用有餘且欲造畫舫百舵專備麗使作涉海二巨航如元豐所造以須朝廷遣使皆忠仁之謀也既對上悅卽改知明

州下車興工造舟而經理湖爲田八百頃募民佃租歲入米近二萬石佃戶所得數倍於是西七鄉之田無歲不旱異時膏腴今爲下地廢湖之害也靖康初頗有意於復民利予時爲御史屬嘗以唐諸公詩與曾子固張大有記文示同列欲上章未果而金騎圍城自是國家多故日尋干戈用度不給豈暇捐二萬石米以利一州之民則湖之復興殆未可期建炎甲戌金人陷明州盡焚州治自唐至今石刻皆毀折剝落無遺跡予恐後人有欲興復是湖無所考據故詳錄之以俟討求

甬上水利志

卷五

七

吳公塘 自望春橋至高橋西渡凡三千六百六十丈  
宋制使吳潛修砌塗人歌頌之榜曰吳公塘

敬止錄

渾水閘 縣西二里西門外花園之側

李志

泥峙堰 縣西三十五里四十七都二番資福寺東下  
容三竅以均限靈泉水利北流者出李蘓橋以至水經  
港東流者出蟠溪以至竺迦堰

曹志

竺迦堰 林村杜氏居之東上接流花橋以至泥峙堰

水下通積瀆漕以至湖泊堰

聞志

湖泊堰

縣西三十五里桃源鄉四十七都

聞志

桃源烏金磳 縣西三十五里舊在四十八都聖女山

東北今徙至四十六都翠山莊田者多不便聞志

黃梅堰 縣西三十六里四十七八都之界以均限大

雷山水利堰上出烏金磳下出大溪曹志案西鄉廣德湖

雖廢而自泥峙堰至黃梅堰皆層遞蓄水每遇桃源水

漲可使低田水不至易沒高田水不至易竭今皆久廢

不治僅存其目有心水利者當復之新

保豐磳 縣北三里又名永豐磳西管支港受它山林

村兩路之水滿則洩之江若行春積瀆烏金石塘諸磳

皆所以洩管水也行春積瀆烏金相距不過數里惟石塘回環西北三十里間無一磳可以洩水每遇霖潦往往匯於城下返藉城中三喉傳送三喉穴城爲水道僅通一綫所洩能幾此保豐磳之不可不修也先是淳祐辛丑叅政余天錫典鄉郡嘗有意經營好事者以風水之說阻之明年郡守陳塏究水利邦人備述保豐興廢關鄉里豐歉塏乃相其故基爲居民所有尋督濠寨引繩度地以復之磳所不用者捐以予之且厚所犒由是爲闡兩間立石柱三造板橋於浦口以便行往民藉此

碑之利則豐年可保故名保豐宋開慶元年判府吳潛  
因廣其址改創為五柱四門堅密雄偉雖湍流湧激未  
嘗有損近又更名永豐歲久湮塞老人吳壽甫建言廢  
在城袞繡橋之石復加修理成化志 洪武二十七年重修  
敬止 亦名北郭碑長四丈二尺闊一丈二尺額設碑夫一名工食  
銀三兩六錢 板銀一兩五錢 在城西隅九景乾隆五十三年知縣錢  
維喬拆改重建添設內坦水一道以資闡護錢志  
宋應徽記鄞人累土陞水關其間而扁以木視水之小  
大而閉縱之謂之碑此南豐曾公記廣德湖語按小學

書碑字未見南豐仕越越與明壤接諷方言知地勢曉  
水利故其語彌精水利廢既久南豐所謂九碑者存焉  
蓋寡它山桃源之水羨于郊所鍾自南徂西西有行春  
積瀆烏金相比最奢者曰石塘白石塘北抵城下亘三  
十里獨無碑水雖欲注之江不可得焉其貫入日月湖  
諸渠往往股引反藉穴城趾為喉者三以出不能大有  
所宣通以故城內外間歲多沴淳祐二年春正月知府  
事兼制置中大夫秘閣撰陳公實問民病疾苦躬出入  
阡陌水政罔不修舉廉知距城北半里故有碑往視則

厥基隱然，居民居其上，或畦以種蔬，索質視空，無有訊  
之父老，謹曰：「硯果復，茲可以無水患。」公意遂決，乃疆乃  
理，仍庚直且割其餘，與之伐石斫木，顧其予價，若私家  
賦役，以帳兵給生券焉，樂爲用，遂成築，鍵如闢之，牖如  
堅，緻水支久，並硯爲橋，以便行者，硯舊以寶峯名，公謂  
寶峯直北，在旁邑，隔兩舍，遠取非是，因易其字曰保豐。  
且曰：「有是則豐年可保也。」衆喜，謂宜公之先正。通奉公  
於古，虞有遺愛，大較以務農興水利爲治之本。公講明  
孔夙爲政，必首垂視於此。夏暑雨連數日，夜水溢出山

谷，僉以爲憂。公單車察水道，親督疏治，念不可徧歷，出  
意匠，剗平水則高下淺深，各有差測，稍驗。過其度，遣寮  
宋走騎吏啓閉，不踰刻，人皆歎其神速。於是水不爲沈  
菑，歲得大熟已，乃以其式登之郡乘，使來有所稽。公之  
爲民慮深矣。天不能無水旱之災，而能使水旱不爲災  
者，人也。成周畎澮溝洫之制，待其人然後行。西都循吏  
行視郡中，水泉開通，溝瀆起水門，作均水法，刻之石，其  
施置猶有古意。公立心無欲，用志不分，所至爲人作豐  
年。視班氏所書，其殆無愧。知鄞縣事謝琳請記保豐之

役爲誦所聞公葺硤凡五六又創廻沙閘以餘力除東湖葑開利無窮者非一簡冊屢書公名壇字子爽自號可齋云

洪硤 長四丈五尺闊一丈在五十都六七畝合管錢志

石塘硤 縣西二十五里清道鄉宋寶祐間判府吳潛

建敬止明萬歷丙申邑令翁憲祥重修聞志長三丈五尺

闊一丈五尺在四十九畝二畝錢志道光二十六年慈民

因旱毀閘與鄞民爭訟不休二十七年攝守楊鉅源親履勘視照舊判鄞專轄并酌硤式飭令鄞邑紳耆張恕

甬上水利志

卷五

等修築完固爲記勒石以垂永久新志

明沈一貫重修石塘大小二硤記方國生民藉衛於土

厥土用水說在歧伯氏之養榮也吾鄞由甬江而西沃

野二百餘里它山據江之上游以注於會城靈源大啓

故西南諸鄉無不藉榮於它山者顧泰雨橫決泰旱焦

洩決不甚虞而洩則助割於是**有保豐諸硤以司蓄洩**

石塘界在西隅視它硤稍隘而爲利滋鉅折而東有小

硤循硤而下爲九里浦以注於江高下斗懸皆鄞土也

小硤之內支流蜿蜒有逮於慈者然而硤非慈有矣硤

固有限不以石以木蓋創始者酌啓閉之宜而定規與  
礮終始夫寧不知石之貞遠也爲蓄易而洩難利於下  
流不利於高壤乃處下流者邀我之啓以爲蓄而踞高  
壤者因彼之蓄以妨瀉幸得利而漫有害石之不宜於  
礮也明甚萬歷乙未小礮崩圯司礮之吏議繩初由而  
慈民以其私臆謂不利於已至鳴於上官令君常熟翁  
侯憲祥誠慨斯事率諸父老繞礮而揆追維往蹟曰吾  
爲疆吏我民之勿莫違恤其鄰遂報中丞御史臺暨巡  
海使者仍用木於是鄞民雷然頌德趨事若子浹三旬

而大小二礮畢事既畢事而鄞之民謂自茲以往水藏  
安平雖有旱潦無損於粉穫永有石塘之利矣夫莫非  
王土何別於慈顧爲慈畝不過數頃爲鄞不獨五隅遍  
於七鄉鄞之藉以朝夕者大半夫斷指以存頸仁者不  
爲況斷頸以存指乎宜侯之力捍吾圉而樹淵遠之圖  
也事在丙申之秋明年奉詔充法從諸父老徵石言於  
予遂不辭而爲記

國朝郡守楊鉅源修築石塘礮閘記鄞之西石塘山麓  
設礮閘三門折而東有小礮一座循礮而下爲九里浦



以注於江礮之設所以蓄上河之水而鄞邑五隅七鄉  
之田資以灌溉利至渥澤至溥也顧礮與慈谿連界考  
舊志礮爲古月萬歷間鄞令翁君重修時則慈民謂不  
利於已鳴於上官賴翁君力行建議修礮鄞之民始得  
保有石塘礮之利然則礮之利於鄞與礮之爭於慈其  
來久矣利之所在人所必爭甚矣當事者貴有以持其  
平也余自乙巳九月以紹興守移攝明州籌海餘閒畱  
心水利會鄞慈兩邑紳民以石塘礮閘一案纏訟不休  
蓋石塘蓄上河之水自林村下寮山經雙瑞橋至泥峙

堰分流入湖滯於石塘塘舊有礮礮爲鄞設修築應聽  
鄞便而慈邑自有下河之水利自烏巖寮舍諸山下注  
清溪堰以及大鼻小鼻雲溪寒溪諸處建有朱童浦漳  
浦黃家堰石湫馬車播木六閘引潮蓄浚本自裕如乃  
因一時亢旱輒敲毀礮閘圖放上河之水并以三七分  
流爲詞今春三月督同兩邑令暨兩邑紳耆躬履上下  
河逐段勘視維時春澤偶愆上河之水已不及十分之  
三而下河之水尚有其半則清溪堰一帶來源甚旺已  
有明證與其涉訟而求上河分注孰若堅築各閘而求

下河自有之利余職司統率鄞慈同屬部民設使下河之水縮於上河民命所關詎容聽其遏抑茲既繕蓄有餘各有其應受之利則必爲之破其疑息其爭共矢公心共持平允非若前明翁君僅長一邑專爲鄞民起見也且因是益見翁君之判是案固爲鄞邑計亦實無損於慈民是以數百年相安無異未聞復起爭端此持平之所由持久也惟硯閘用司啓閉自應酌示限制勘硯柱自頂至脚高七尺八寸用平水法測量硯上河身許高五尺八寸斷令四尺以下夾斲土石堅築完固以蓄

上河之水石板之上用木木石相連之處較河身低一尺八寸得以分逮下河卽以應慈民三七分流之請大硯之東小硯亦應概用下石上木高低平分以便蓄洩用示大公而昭平允至下河朱童浦等閘慈邑素多好義之士應令一體修整無任車拔船隻致滋滲漏而有不足之虞判既定兩邑紳耆張恕鄭芬等咸以爲公各具遵結而退至秋九月鄞邑石塘硯閘之功告成高低丈尺一一皆如所判之式爰濡筆而樂爲之記

自桃花渡而東迄定海縣西市綿亘六十里原港久湮  
 田疇失漑淳祐六年制帥顏頤仲因農隙鳩工榜示通  
 衢民聽惟睦浚復故河廣五丈深一丈二尺置碶閘三  
 跨橋六鄞令趙希蒞定海令劉仲襄慈谿令季鏞各因  
 渠之所隸而董其役郡倅張琥總之民便其利而頌其  
 德因刻石曰顏公渠寶慶志歲久淤塞明嘉靖十五年鄞  
 定二邑大加浚治聞志坐鄞者上有四橋曰孟陽橋舊名麥陽  
 橋敬思橋俗名馬郎橋引仙橋去孟陽橋二十餘步甄橋又名鄞  
 鎮海縣界敬止錄

甬上水利志

卷五

宋制帥顏頤仲榜示照得民以食爲命食以農爲本農  
 以水利爲急本郡田畝全藉水利如東管則賴有東湖  
 之水西管則賴有它山之水獨自桃花渡至定海縣一  
 帶東西南北周圍六十里舊有河港久不浚治日侵月  
 占皆爲湮塞水無所瀦惟仰天雨晴未十日即已旱乾  
 農家無計可施坐待其槁昔號膏腴今爲饒瘠食且不  
 給何以爲生居此方者委可憐念其次則裏河既已斷  
 港未免冒險涉江民旅往來軍兵打請又有風潮不測  
 之患數十年來太守屢嘗有意開浚祇事體重大費用

浩繁莫敢輕舉、當職冒應千里宅生之寄、常軫視民由  
已之心、苟可興利、豈敢吝費、亟欲趁今農隙、支撥錢米、  
僱募夫工、自桃花渡直至定海縣西市、依舊來河道盡  
行開浚、一則可瀦水澤、以溉田畝、二則可通舟楫、以便  
軍民、誠爲一方無窮之利、其間近河居民、或有侵占舊  
來河道爲田起屋者、自當悔悟、日前冒占官河之非體、  
承州郡爲民興利之意、各謀改徙、無復執迷、斷不可以  
一二人之私計、而妨六十里之水利、本府亦當斟酌地  
段、支錢給助、應是開河之費、盡從本府出備、更無一毫

擾及民戶所合先行給榜曉示者

明李堂顏公渠贊顏公顧仲龍溪挺生淳祐宋季守我  
四明崇賢興學惠洽政平顧瞻東渡水利究情開渠著  
姓郡乘可徵蕪詞述贊匪云勒銘鄞江東北定海壤通  
田壤地鹵旱曠可恫袖手曷措待槁奚庸公重民食謂  
食資農畎畝之賴河渠是供苟虧灌溉孰致稔豐維六  
十里經度周旋乃施濬治乃瀦雨泉橋梁以濟磳閘以  
宣五丈之漕倍尋之淵腴砥彈力車厚回天侵占者復  
專霸者悛緬懷東管浸有錢湖西鄉蓄水它堰爲沽公

渠在北鼎成可模桃花古渡白沙沃塗悠悠誰嗣石刻  
永孤視我韻語庶激懦夫

甬上水利志

卷五

三